



02/11

Broj: 01-16-12-1341- 1 /19
Banja Luka, 01.08, 2019.godine

Na osnovu člana 7. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj: 44/03, 52/04, 34/07, 04/08, 49/09, 32/13, 91/17, člana 61. stav 1. i stav 2. Zakona o upravi („Službeni glasnik BiH“, broj: 32/02), člana 25. Zakona o Upravi za indirektno oporezivanje („Službeni glasnik BiH“, broj 89/05), Odluke o raspisivanju javnog oglasa za prikupljanje ponuda za carinski terminal CI Zenica, broj: 01-16-12-1341/19 od 12.06.2019. godine, te člana 4. Interne procedure za zakup imovine i opreme, broj: 01-50-5-1626/16 od 20.09.2016. godine, direktor Uprave za indirektno oporezivanje, *o b j a v l j u j e*

JAVNI OGLAS

za prikupljanje ponuda za carinski terminal za potrebe carinske ispostave Zenica

I - PREDMET JAVNO OGLASA:

Predmet javnog oglasa je prikupljanje ponuda za carinski terminal za potrebe Carinske ispostave Zenica.

Carinski terminal je mjesto u kojem carinski organ (carinski referati na graničnim prelazima za međunarodni drumski robni promet i carinske ispostave) vrši carinski nadzor, kontrolu i carinjenje robe.

Prostor - Carinski terminal mora se nalaziti na teritoriji Grada Zenica i imati nesmetan pristup javnoj saobraćajnici na kojoj je dozvoljeno kretanje teretnih vozila preko 3,5 tone ukupne nosivosti.

Prostor-Carinski terminal ne smije biti obuhvaćen bilo kakvim izmjenama koje su predviđene regulacionim planom za dio grada u kojem se isti nalazi a koji je usklađen sa Urbanističkim planom Grada Zenice.

Prostor - Carinski terminal mora činiti jednu cjelinu, biti asfaltiran, ograđen, osvjetljen, obezbjeđen 24-časovnim fizičkim obezbjeđenjem i videonadzorom, obezbjeđen mrežnim i telefonskim kablovima, posjedovati agregat i kolsku vagu, te ispunjavati ostale uslove propisane tenderskom dokumentacijom.

II - PRAVO UČEŠĆA:

Pravo učešća imaju sva pravna i fizička lica koji su vlasnici ili korisnici prostora koji se nudi za carinski terminal.

Držalac carinskog terminala može biti samo jedan subjekt koji je odgovoran za carinsku robu koja se nalazi pod carinskim nadzorom za vrijeme boravka robe u terminalu.

III - PREUZIMANJE TENDERSKE DOKUMENTACIJE:

Tenderska dokumentacija se može preuzeti po objavi javnog oglasa u dnevnim novinama: „Oslobođenje“ i „Dnevni avaz“, na internet stranici Uprave za indirektno oporezivanje, <http://www.uino.gov.ba/>, te svakim radnim danom od 8,00-14,00h u Upravi za indirektno oporezivanje, Ulica Bana Lazarevića bb, Banja Luka, II sprat.

IV - SADRŽAJ PONUDE:

Uz ponudu ponuđači su dužni dostaviti dokaze o ispunjavanju uslova za učešće po javnom oglasu, u skladu sa tenderskom dokumentacijom, u originalu ili ovjerenoj kopiji ne starijoj od tri mjeseca.

Ponuđači koji dostave nekompletanu dokumentaciju neće imati pravo učestvovanja u daljem postupku.

V - PODNOŠENJE PONUDE:

Propisno kovertirane i zatvorene ponude dostaviti na protokol Uprave za indirektno oporezivanje, Banja Luka, Ulica Bana Lazarevića bb, najkasnije do 21. 08. 2019. godine do 12,00 sati.

Na omotu koverta obavezno je naznačiti naziv i adresu ponuđača, sa napomenom: „*Ponuda za javni oglas, prikupljanje ponuda za carinski terminal za potrebe Carinske ispostave Zenica - Ne otvarati, otvara komisija*“.

Ponude primljene poslije vremena određenog za podnošenje ponuda biće vraćene neotvorene.

VI - PERIOD VAŽENJA PONUDE:

Dostavljene ponude smatraće se validnim za period od 90 (devedeset) dana od dana isteka roka za dostavljanje ponuda.

VII - OTVARANJE PONUDA:

Otvaranje ponuda je javno i otvaranju može prisustvovati ovlašteni predstavnik ponuđača, koji svoje ovlašćenje dokazuje u pismenom obliku.

Javno otvaranje ponuda održat će se *dana* 21. 08. 2019. godine u 12,15 sati, u prostorijama Središnjeg ureda Uprave za indirektno oporezivanje, Ulica Bana Lazarevića bb, Banja Luka.

VIII - KRITERIJUM ZA DODJELU UGOVORA:

Ugovor se dodjeljuje najpovoljnijoj ponudi shodno kriterijumima iz tenderske dokumentacije.

IX - OSTALE ODREDBE:

Na predmetni postupak ne primjenjuje se Zakon o javnim nabavkama Bosne i Hercegovine („Službeni glasnik BiH“, broj: 39/14), shodno članu 10. stav 1. tačka e) istog.

Uprava za indirektno oporezivanje zadržava pravo da u slučaju promjenjenih okolnosti poništi javni oglas i sve sprovedene radnje u bilo kojoj fazi postupka.



DIREKTOR

Dr. Miro Džakula

DOSTAVITI:

1. 01,

2. 01/1-3, 02/1,

3. a/a.